

ურბანული რეკონსტრუქციის და განვითარების პროექტი (URDP)

ტენდერი დასახელება:

დაბა წყნეთში გურამიშვილის ქ. #4, #5, #6 და #7 მიმდებარედ სანიაღვრე

კოლექტორის მოწყობა

ტენდერის #: EIB/URDP/EMER/CW/NCB/03-2016

წინასატენდერო შეხვედრის ოქმი

თარიღი: 11 ნოემბერი, 2016 წელი

სატენდერო დოკუმენტაციის „ინსტრუქციები ტენდერში მონაწილეთათვის“ 7.4 პარაგრაფის შესაბამისად **2016 წლის 11 ნოემბერს, 15:00 საათზე** გაიმართა წინასატენდერო შეხვედრა საქართველოს მუნიციპალური განვითარების ფონდში, დავით აღმაშენებლის გამზირი #150, სართული 3, ოთახი #316, თბილისი 0112, საქართველო.

დამკვეთის მხრიდან შეხვედრას ესწრებოდნენ, შესყიდვების სპეციალისტები და საინჟინრო შეფასების სპეციალისტი.

შეხვედრას ესწრებოდა ორი დაინტერესებული კომპანიის წარმომადგენელი.

შეხვედრა გახსნა შესყიდვების სპეციალისტმა, რომელმაც ზოგადად განმარტა წინასატენდერო შეხვედრის მიზანი.

დაინტერესებული კომპანიის მხრიდან დაისვა შემდეგი შეკითხვები:

1. კითხვა: აუდიტორულად დამოწმებული ბალანსების არ არსებობის შემთხვევაში (თუ კანონმდებლობა არ მოითხოვს) შესაძლებელია თუ არა დაუმოწმებელი ბალანსების წარმოდგენა?

პასუხი: ტენდერის მონაწილემ სატენდერო დოკუმენტაციის მეორე ნაწილის მესამე თავის (შეფასებისა და კვალიფიკაციის კრიტერიუმები) მოთხოვნის შესაბამისად უნდა წარმოადგინოს ბოლო 3 წლის (2013, 2014, 2015 წწ) აუდიტირებული ბალანსების, ან, თუ ტენდერის მონაწილის ქვეყნის კანონმდებლობა ამას არ ითხოვს, დამკვეთისათვის მისაღები სხვა ფინანსური ანგარიშების წარდგენა თავისი მყარი ფინანსური პოზიციის და პერსპექტიული გრძელვადიანი რენტაბელობის საჩვენებლად.

2. კითხვა: რას გულისხმობს ხელმისაწვდომი წლიური შესაძლებლობა?

პასუხი: ტენდერის მონაწილემ უნდა დაასაბუთოს, რომ შეუძლია შემოთავაზებული კონტრაქტით გათვალისწინებული სამუშაოების შესრულება, მაშინ როცა უკვე აქვს აღებული ვალდებულებები დამქირავებელთან ან სხვა სააგენტოებთან. აღნიშნულის დასადასტურებლად გამოიყენება სატენდერო დოკუმენტაციის მეორე ნაწილის მე-3 თავის (შეფასებისა და კვალიფიკაციის კრიტერიუმები), 1.8 პარაგრაფში მითითებული ფორმულა.

3. კითხვა: რას გულისხმობს ნაღდი ფულის მოძრაობა და როგორ შეიძლება დადასტურდეს იგი, მისაღებია თუ არა ბანკის წერილი საკრედიტო ხაზის გამოყოფის მზაობის შესახებ, დარჩენილი მატერიალური მარაგები?

პასუხი: სატენდერო დოკუმენტაციის მეორე ნაწილის მე-3 თავის (შეფასებისა და კვალიფიკაციის კრიტერიუმები), III თავის 2.3 პარაგრაფის შესაბამისად, ტენდერის მონაწილემ უნდა აჩვენოს, რომ მას გააჩნია ან ხელი მიუწვდება ფინანსურ რესურსებზე, როგორიცაა ლიკვიდური აქტივები, დაუგირავებელი უძრავი ქონება, საკრედიტო ხაზები და სხვა ფინანსური საშუალებები, კონტრაქტის ფარგლებში საავანსო გადახდების გარდა, რათა დააკმაყოფილოს:

(i) ნაღდი ფულის მოძრაობის მოთხოვნა წინამდებარე კონტრაქტისათვის, რომლის ოდენობა უნდა იყოს არანაკლებ **166,000.00 ლარისა;**

(ii) მთლიანი ნაღდი ფულის მოძრაობის მოთხოვნა მიმდინარე და სამომავლო საკონტრაქტო ვალდებულებებისათვის.